

MATHATHIAS

TRAGŌDIA

AUTHORE

TYRRHO CREOPOLITA

P. A.

Assist. Gallie soc. Jesu



ROMÆ, MDCCXL.

Apud Franciscum Antonium Anfillioni
in Foro Agonali.

SUPERIORUM PERMISSV.

THE AMERICAN
LIBRARY
OF THE
CITY OF BOSTON
1877

Gift of the
City of Boston



1877
BOSTON
LIBRARY

Tragœdiam, cui titulus Mathathias
jambico carmine exaratam à Tyrro
Creopolita P. A. nobis perlegendam, &
examinandam traditam, Pastoritio Nomi-
nē, communique signo edendam, ac pro-
mulgandam censemus.

Myræus Ropheaticus P. A. Censor.
Nicetas Phalantius P. A. Censor.
Panemus Cissæus P. A. Censor.

Quando ita visum est Censoribus, qui
Tragœdiam supra enunciatam per-
legerunt, perlectamque probarunt,
Pastoritio Nomine illam edere, communi-
que signo imprimere, jus esto. Datum ex Cu-
stodia Arcadum Neomenia Anthesterionis
Olympiadis DCXXIX. Anno III. Ab Ar.
In. Olymp. XIII. Anno II. perpetuò lato.
Alcides Phoenicius Subcustos.

P E R S O N Æ.

GORGIAS Regis Antiochi Vices-gerens.

MATHATHIAS.

SIMON

JUDAS

JONATHAS

)
) Filii Mathathiæ,
)

NACHOR Jonathæ Altor, & Custos.

S C E N A.

In Luco prope Civitatem Modin.

Argumentum .

H Jerosolyma ab Antiocho capta , ferroque , & igni vastata, Mathathias , ejusque Filii in Montem Modin secesserunt : Quò cum pervenisset Minister à Rege Antiocho missus , ut eos , qui illuc confugerant , Diis gentium immolare cogeret; Mathathias nec blanditiis , nec minis flecti ulla ratione potuit , ut ab avita, sanctissimaque Mosis lege ne latum quidem unguem recederet . Quin Judæum quemdam Idolis coram populo sacrificantem, ipsumque Regium Ministrum sacrilegi sceleris Auctorem strenuè trucidavit , ut habetur ex *Lib.1. Machab. cap.2.* Hoc fundamento historico præjecto , fabulæ texturam subnecto .

Judæus ille ex sacra historia à Mathathia trucidatus , Jonathæ ejusdem Mathathiæ Filii , quem Parens impensè amabat , ut fingimus , Altor , morumque Institutor , dolis Regij Ministri corruptus
eò

eò operam, fraudemque omnem confert, ut Mathathiam saltem ad sacrilegi cultus simulationem inducat. Hoc pretio, vitam Jonathæ, qui ob puerilem cujusdam ex Regalis Aulæ Proceribus Mosaicæ Legis irrisoris aggressionem, apud Regium Ministrum, in libera custodia habebatur, Mathathiæ redimendam proponit. Quod cum eventu careat, novo artificio Jonathan à vera Religione ad Idola defecisse, & in solemniore sacrificij imminente celebritate Idolis sacrificaturum Parenti per summum nefas comminiscitur; atque adeo opus esse, ut ipse coercendi ergo suo aspectu sacrilegam Jonathæ audaciam celebritati interfit. Proditor enimvero in animum induxerat suum, eamque in sententiam Regium Ministrum pertraxerat, fore, ut Mathathias Filii sui caput gladio supponentis luctuoso percussus spectaculo Regi Antiocho ad speciem saltem, morem gereret, aliisque ea, qua apud omnes pollebat autoritate, ad sacrilegam defectionem

nem incitamento foret, & exemplo. Verum hæ, aliæque hujus veluti confectatrices, quæ interferuntur, fraudes in impii proditoris caput recidunt. Nam Mathathias solemniori sacrificio, quo Diis litabatur, aliena fraude astans, & nefariam proditoris machinationem, & Filii innocentiam aperte detegit. Demum proditorem ipsum, quin & Regium Ministrum, divino correptus uestro prope Aram interficit, Jovisque simulacrum, omniaque profani ritus monumenta delet, & evertit.

IMPRIMATUR.

**Si videbitur Reverendiss. Pat. Mag. Sac.
Pal. Apost.**

*Philipp. Spada Archiepisc. Theodosien.
Vicesg.*

**Fr. Joachim Pucci Mag. & Soc. Reveren-
dis. Pat. Sac. Palat. Apost. Magistri
Ord. Præd.**

ACTUS PRIMVS

SCENA PRIMA

Gorgias, Nachor.

Nachor post abdicatam legem Mosis init cum Gorgia consilium de Mathathia ad Idolorum cultum per fraudem inducendo, rationemque proponit, qua id executioni mandari possit.

Gorg. **U** Num esse Regno publicæ ex usu rei est Cultum Deorum: namque pietatē, ac fidē Religio sancit, fœdere & jungit sacro Sese inter animos. Quisque, quam Princeps tulit, Legem sacrorum fervet.

Nac. Idcirco ad tuum, Tuique Regis pronus imperium Deos. Jam thure colui, Numen Ifacidam abnegans, Mosisque ritum.

Gorg. Hac laude primores Duces, Allectus inter, carus in primis eris Regi, mihi que: nec leve obsequii feres, Docilisque mentis præmium. At nunc nil palam, Populoque agendum teste; magnanimus senex Quousque captus arte, & illecebris tuos Cumulet triumphos. Dives, & multa potens Turba clientum, clara quem plebem supra, Procereque virtus tollit, & fama inclytum

Ju-

Judæa celebrat; forte si veterem paret
 Exuere mentem, vulgus exemplo trahet,
 Totumque tanto sub Duce Abramidum genus
 Nostras ad aras genua submittet Diis.
 Sic getico in Hæmo, cilicis aut Tauri in jugis
 Cum pulsa ab Euris fertur in præceps suo
 Annosa quercus pondere, immani sonat
 Fragore, lateque trahit in cladem virens
 Nemo omne circum.

Nac. Hæc una sollicitum premit,
 Meque vigil angit cura. Præmonui haud semel
 Nimium procaci statuatur ut linguæ modum,
 Sævique motus cordis adductis regat
 Providus habens. Ille non ægra exigit
 Hæc tacitus aure: quippe sincero putat
 Profecta ab animo. Primus ad rem, quam cupis,
 Præjactus est hic tempore exiguo gradus,
 Cui si secundus fortis aspiret favor
 Spero futurum his exitum cœptis parem.
 „Quam læta gignunt auspicia rerum, nequit
 „Spes esse mendax.

Gorg. Precibus evictum infimis,
 Ad sana redige consilia, & operi manum
 Adijce supremam, Forte nisi blanda prece
 Mens victa cedat; alia subeunda est via.
 Propone pœnas, carceris tetri lumen,
 Crebroque tunsa verberare, & lenta face
 Adusta membra, corpus attritum rotis.

Nac. Migrabit aliò cardine evulsus suo
 Hic potius orbis, retro quam referat pedem
 Tino-

P R I M U S .

11

Timore adactus, nulla quem terrent mala;
Quin mage timenda fronte porrecta subit,
Quin & laceffit. Mole non pressus gravi,
Non latera sectus forcipe, artusque æneq.
Laniatus ungue, filice quæ putat, & rudi
Excisa trunco Numina, invitus colat.

Gorg. Nihil timentem capere pollicitus stude,
Sponde obsequenti quidquid est Regnum citra.
A Rege primus arte, consiliis, fide
Versabit ille pondus imperij; Id fore
In me recipio, Regis Antiochi est satis
Cui mens reclusa.

Nac. Spernit hæc fortis viri
Magnanima virtus, in bonis numerans nihil
Breve, & caducum.

Gorg. Si tibi est ergo fides
Habenda, nostræ rima quæ patet spei?

Nac. Hæc una: flagrans nempe quo natos amor
Prosequitur, & jure quia ad unum omnes patris
Mores sequuntur: sicque vix similis sibi
Pater est, ut illi quisque.

Gorg. Parte hæc est dolis
Urgendus.

Nac. O! si minimus ex quinque in tuam
Vel fraude, vel vi possit abduci domum.
Ut moris est, hunc genitor ante alios amat.
Potire nato, non suum ad morem statim.
Componet ille sese, & impavidus licet
Alloquia supplex poscet. Hæc coges via
Servire saltem tempori, & specie tenus.

Supr-

Superis litare . Fac id ex voto accidat ;
 Confecta res est : cum diu à lapsu pedem
 Sustineat ægre , quæ labat virtus .

Gorg. Mones

Quid plura ? nostram citius ad rem nunc juvat
 Conferre verba .

Nac. Me interim veterum patrum

Sacra abdicasse jura ne retegas ; cave .

Quantum id latere intersit , ut sibi me intimum
 Habeat , mihi que ut ante , sua credat senex
 Consilia , nemo non videt . At ecce huc gradum
 Accelerat .

Gorg. Abeo . Ne tuæ parcas velim

Ignavus operæ .

Nac. Haud vota remorabor tua . (1)

Me colloquentem vidit . Alloquio hoc super
 Fors multa rogitans mihi viam ad cœptos dolos
 Dabit ipse .

SCE-

(1) Gorgias discedit . Vertit sermonem Nachor ad
 Mathathiam adventantem .

S C E N A S E C U N D A.

Mathathias, Nachor.

*Capta occasione à Mathathia objurgatione Nachor
benevolum Gorgia animum erga Mathathiam ip-
sum, ejusque filios commendat, ea arte, ut ad ob-
secundandum votis Gorgia, propriaque consulen-
dum incolumitati, atque adeo ad Idolorum cultum
saltem simulandum Mathathiam impellat; sed fru-
stra hac in re laborat.*

Math. **Q**uorsum foedus hoc spectat? nova hæc
Alloquia quorsum? „ Ab hoste vix
„ (demum cavet
„ Satis ille, qui semper cavet.

Nac. Ne hostem voces
Cujus ope, nec vana puto, te salvum volunt;
Natosque superi.

Math. Sola mihi Patriæ salus,
Regnique cordi est. Hanc ne restituet, ferox
In nos qui apertè pugnat, ardescit, fremit,
Nec fraude, ut ante; sed palam aggressus, decus
Sionis omne vertit? o! redeat dies,
Portenta redeant, quibus ab æthereo caput
Decoratus igne ductor Ægypti è jugo
Eduxit atavos.

Nac. Exerit dextram Deus,
Tunc cum ferendo rebus afflictis opem

Suc-

Succumbit impar ordo naturæ: secus;
 Sinit ille stabili lege mortales vices
 Fluere: nec aliter astra quam nutu regens,
 Pronumque rerum temperans cursum, diu
 Quos preffit, iterum tollit.

Math. At mihi quid spei?

Et unde fulget?

Nac. Liceat hoc unum prius

Rogare, Princeps: nempe ne indicta velis

Damnare causa laude præstantem virum.

Legem sacrorum, more quæ patrio obtinet,
 Sectatur equidem, eosque veneratur Deos,

Quos novit olim mente non firma puer:

Tamen fatetur Iponte, quem colimus Deum

Dignum esse cultu, et vivere Abrahamo fatos

Meliore ritu: quin tuos mores amat;

Tua facta laudat: esse te censet supra

Mortale culmen: esse cælitibus parem:

Hinc te, tuosque ut sospitet natos, viam

Rimatur omnem. Id interim solum petit

Ut arte simules: sacra nec vulgo palam

Barbarica spernas. Poterat an posci minus?

Quod si rogare fas sit at frustra est loqui.

Math. Ambage missa fare; nam tutò potes.

Nac. Rogare id ausim, Regis ut fiste impleas

Metuenda jussa. Quantulum est visu tenus

Dare thura Divis; intus horret si nefas

Mens labis expers?

Math. Siccine meam audes fidem

Tentare demens?

Nac. Forſan auditum voles ,
Audire quod nunc rennis .

Math. In me ergo cadit
Spes hæc pudendi ſcleris ?

Nac. Id ſceluſ puto ,
Deferere patriam , lapſa quæ tecum trahet
Præcepſ ruinam poſteris linquens ſui
Nil ultra inane nomen , & ſædam ſtruem ,
Quid quod ruet te conſcio , auctore , auſpice :
Addo & jubente : , Sæva nam quiſquis poteſt
,, Patriæ vetare damna , nec vetat , imperat .

Math. Ruat illa præcepſ ; verſus in priſcum chaos
Labatur orbis ; ante mendaces Deos
Quam thure digner . Hanc ſacri cultus notam
Sibi petit uni Numen .

Nac. A quo ſed petet
Excifa ferro , & igne ſi jaceat Sion ,
Templique moles , gentis & noſtræ ſuper
Vix ſit , jacentem qui fleat ? Quis tunc colet ?
Vel ubi ?

Math. Etiamne pergis ?

Nac. Indulſi ſatis
Superque amori . Veniet heu ! lux , & brevſ
Qua te iſta tægant dicta . Nunc ſi quid meret
Amor , fideſque ; parce fidenter nimis
Tecum locuto . Cura , qua Patriæ premoſ ,
Tuæque ſtirpis , clauſa diuturno metu
Recluſit ora . Tacituſ at poſthac feram
Utriuſque cladem : nec querar , quamvis tui
Hæreſ amoris iſtimuſ , blanduſ puer .

Fratrum secundus nemini, his quem non semel
Ulnis recepi, quem diu institui, trahat
Vincla pede, quodque gravius est, tenerum caput
Supponat ensi.

Math. Ah! define; est res non eò
Adhuc redacta, nequeat ut nati parens
Vitam tueri.

SCENA TERTIA.

Mathathias, Jonathas, Nachor.

*Jonathas ense districto in scenam prodit, narratque pa-
renti suo Mathathia occursum alicujus ex regis
Proceribus; habitam cum illo de Religione conten-
tionem, ejusdemque inopinatam aggressionem. Qui-
bus auditis Mathathias jubet ut in propinquos mon-
tes, ubi fratres cum strenuis militibus castra po-
suerant, sese recipiat.*

Math. **A**T ense districto huc ruit.
Occurro.

Jona. Genitor sive te pietas movet,
Sive ardor animi, sive violatæ decus
Virtutis, effer arma. Non ultus probrum
Satis ipse, dextram posco, quæ dignas petat
Ab hoste pœnas.

Math. Hostis at quis? quid tuas
Accendit iras?

Jona. Multa cum tuum ad latus

Virtutis habet exempla, properat huc gradum,
Tecum una ut essem: En obviam aspectu gravis
Vir ante nunquam notus occurrit. Prius,
Ut fit, rogare multa. Quem colerem Deum?
Quæ sacra sequerer? Stirpe qua natus? Dehinc,
O grator, inquit; assecla es Mosis, tulit
Qui jura gemino in lapide cælata e iugo
Minacis Horeb non bene audita, ut puto,
Tonitrus tot inter; quique limoso è lacu
In arma ranas compulit, culicum & tubas
Cecinisse bellum iussit, Æstuans ad hæc:
Culices, repõsui, non tot, aut ranas stupens
Timuit Ægyptus, vestra quot regio colit
Millia Deorum: quorum hic haud æquo pede
Incedit ægre: hic ventre distento piger
Palustris anatis simulat incessum: sua
Prospectat alter terga; quod monstrum biceps
Stupeat popellus: alter hortorum rudis,
Fædusque custos arcet infestas procul
Volucrum rapinas: ille mancipium gulæ:
Fur ille: & ille lurco: sed non hic vacat
Referre plura. Quod rei caput est, flagrans,
Tumidusque ab ira, scommata hæc, torvis minis
Sic ille retudit: itane tot nugas blatis
Apella vecors, turpe verporum genus?
Vix ea. Minaci cuspide educta irrui
In hæc loquentem, qui statim eripuit fuga
Se se aliò. At æquas nunc tuum est forti manu
Exigere pœnas.

Math. „ Laude nil dignum magis,
 „ Quam regere sese: vera nisi servet modum
 „ Nequit esse virtus.

Jona. Ferre debueram silens
 Repetita probra?

Math. „ Injuriam præstat pati,
 „ Quam facere.

Jona. Palmam Moïsi irrisor ferat,
 Abeatque inultus?

Math. Verba fas verbis fuit:
 Solùm refelli, pargere at ferro manum:
 Nil nunc loci est socordiae. Insidias cave.
 „ Omnia licere victor in victos putat.

Jona. Sat esse cautum mihi puto hac dextra.

Math. „ Sibi
 „ Juvenile vitium est fidere, & spem omnem sitā
 In se uno habere. Plura quam quæ nunc times
 Timere disces. Potius o! discas meo
 Utinam periclo, quam tuo. (Effugium patet
 Nunc tibi quod unicum ut puto.) fratres adī,
 Peditū propinquo in colle quos sequitur cohors,
 Equitumque turma. Hos inter heroas potes
 Ense aut tueri nomen, & cultum Dei,
 Patriasque leges; nobili aut letho diem
 Claudere supremum. Pignus hoc, Nachor, tuæ
 Commendo fidei. Te duce incolumis ferat,
 Quò jubeo gressus.

Math. Obsequar jussis.... Cadit

Quam commode res....

Math. Ore nil tibi excidat

Pueri quod animum frangat, atque hostem minus
Odiffe cogat.

Nac. Sponte currentem sua
Urgebo stimulis.

Math. (1) Patris amplexus cape,
Exempla sequere.

Jona. Reditus at liceat.

Math. Redi,
Patriæ sed ultor.

Jona. Morte vel propera cadam;
Vel sic regrediar. (2)

Math. Numen o! se nunc suum
Benefica dextra referat in morem. Puer
Per te triumphet. Jaceat hostilis furor,
Pudeatque victos cadere puerili manu.

Finis Actus Primi.

B 2

ACTUS

(1) *Ad Jonatham.*

(2) *Jonathas discedit.*

ACTUS SECUNDUS

SCENA PRIMA.

Mathathias , Judas , Simon .

Simon , & Judas certiozem reddunt Parentem suum Mathathiam de exercitu novis in dies supplementis aucto . Mathathias de Jonatha sciscitans de illo prorsus nescire Fratres non sine animi dolore intelligit .

Jud. (1) **H**Æc parva quondam turba nobiscum
latens
Abrupta in arce , qua sibi Urbs late imminens
Sese jacentem spectat ; accessu in dies
Ducumque , militumque nunc major , moram
Detrectat omnem , & voce prævertens tubas
Arma fremit amens : jamque spe lauros metit ,
Hostesque votorum impetu in præceps agit .
Sic tenuis ante murmure exiguo fluens
Qui fons alebat nemoris annosi decus ;
Mox nivibus auctus , aura quas solvit tepens ,
Pluvioque Cælo , claustra diffringens sua
Subjecta in arva mole præcipiti ruit ,
Stabulaque raptat secum , & attonitum pecus .
Sim. Mirum quot intus pectori adjungat faces
Cupi-

(1) Colloquentes in scenam prodeunt .

Cupido flagrans ultimam hanc operam Deo,
 Patriæque dandi. Nostra quos gens jam tulit
 Numerat triumphos quisque, virtusque ut jacens
 In corda rediit, colla cum premeret iugo
 Pharius Tyrannus: clade non una sâtur
 Aut fureret Amalech: fureret aut palmis tumens
 Chananæus ultor. Cæsa quin læto exitu
 Ducum superba capita fœminea manu
 Menti recurfant. Impari haud rerum in statu
 Præstò futuram nemo non spondet sibi
 Dextram Tonantis.

Math. Criminum at venia est prius

Roganda lacrymis, Tela, quæ in nostrum caput
 „ Nam scelera cadunt, frangit ingenuus dolor.
 Post, nihil amore laudis, aut vilis lucri
 Audendum in hostes, sæva nec mentem trahat
 Libido cladis. Spectet huc solum labor,
 Huc omne facinus; nempe ut antiquus decor
 Reddatur aris, victor & toto Deus
 Clarescat orbe.

Sim. Hæc causa pugnaces movet

In arma dextras; pectus hæc strictis jubet
 Nos ferre telis obviam.

Jud. Hac motus, vadis

Si fusa stygiis monstra me contra ruant;
 Nil monstra timeam. Quid quod hic omnes habet
 Magnanimus ardor? Timeat an pugnae aleam
 Breve subire, sine cariturus manet
 Quem post triumphus? Quique stelligera comas
 Lauro revinctus victor, aut victus Dei,

Cui pugnat uni, pariter amplexus feret?

Math. O grande columen Patriæ, o spes, o meæ
Robur senectæ pergite his cœptis. Canit
Quæ fama [non frustra auguror] per vos retro
Spatiis remensis prisca cæsorū hostium
Opulenta spoliis sæcla volventur. Vetus
Nomen, decusque rursus Ifacidæ ferent.
Fraternæ & utinam laudis imitator puer,
Quem nisi, Jönathas brevi assuescat pati
Martis labores. Patris erga illum, rogo,
Obite munus. Quippe præfidiis eget
Puerilis ætas.

Sim. Frater in nostra intulit
Stativa gressum? Nil minus.

Math. Saltem obuius

Calle in reducto, qui unus hinc illinc iter
Continuat Urbis, serpit & circum juga
Acclivis, esse debuit.

Jud. Sed ne hoc quidem.

Math. Ah! timeo fraudes. Altor at propere subit.

SCENA SECUNDA.

Mathathias, Jûdas, Simon, Nacher.

*Nacher, cujus occulto dolo, Jönathas in Gorgiæ in-
sidias incurrerat, qua ratione id evenerit, Matha-
thiæ nunciat.*

Math. **M**Eus ubi natus?

Nac. **M** Prohibet heu! voces dolor,
Metusque.

Math.

Math. Quantum est, quod loqui refugis malum!

Cur refugis autem? Ferre fortunæ vices

Me docuit usus, Mollit ærumnas diu

, Fuisse miserum. Quidquid illud est, feram.

Eloquere citius.

Nac. Non mihi, at puero timens

Resonas vagante plebe, cum fugerem vias,

Avia secutus; subitus armorum, & virum

Erisonitus aures pepulit; ut fit, hæreo

Incertus animi. Vix moror, late cohors

Glomerata circum cingit amborum latus.

Tunc ambo celeres aciem in adversam manu

Gladium rotamus. Nuper avulsus leo

Matris cruento ab ubere ut torvum intuens,

Frendensque in orbem se rotat quatiens jubas,

Carensque firmis viribus nequeat licet

Morsuque, & ungue frangere objectas feras:

Tamen laceffit; jamque proludit minax,

Olim futuris cædibus. Parvus comes

Sic tela, & hostes inter excurrrens furit,

Strictoquo nunc hos ense, nunc illos petit:

Facilesque quamvis clypeus hostilis moras

Opponat ensi, frangat atque ictus leves;

Quem quisque posthac mente præfagit fore,

Heros timetur. Victa sed demum fuit,

Numeroque virtus obruta. Ærumna pari

In vincla trahimur. Gorgias captos tenet:

At mihi sequestra licuit huc pacti fide

Adire inermem.

Sim. Quod scelus Fratri imputat?

Nac. Petiisse ferro, dira legiferum in ducem,
Nostrasque gentes ore qui fudit probra.

Jud. Veniam hæc meretur culpa, quin laudem.

Sim. Tamen

Illud verendum est; aliqua ne puerum implicet
Fraus; neve spes, metusve simulatis diis
Dare thura cogat.

Math. Stirpis est nostræ; scelus

Pudet hoc timere. Robur afflabit novum,
Dabit ille vires, cujus offensi decus
Sustinuit ense.

Jud. In cardine hoc rerum est opus

Repetere castra, cogere & fortes viros
Ruere paratos, si quid inopinum accadat,
Opemque ferre.

Sim. Te sequor.

Jud. Genitor, vale.

S C E N A T E R T I A .

Mathathias, Gorgias.

Gorgias pollicetur Mathathia Pueri Jonathæ liberationem, si thus diis, quantumvis non ex animo, sed in speciem tantum adoleat. Strenuè rejectus à Mathathia ad illius pedes puerum adduci jubet, ut precibus, lacrymisque Genitorem ad commiserationem flectat.

Gorg. **E** St tibi, ut opinor, ora quod subeam tua,
Mirum, novumque; sed erit hoc mirum magis,

Quod

Quod nempe vindex sceleris admissi; reum
 Studeam tueri. Non id auderem; nisi
 Rex ipse, pueri culpa quem propius petit,
 Te nimium amaret. Salva res est, si velis.
 Nil poscit ultra morte ab inhonora salus
 Redimenda nati; nisi quod ubi signum dabit,
 Cogetque populum ad sacra ter resonans tuba,
 Divis sacratam thure votivo semel

Aram vapores; mente simulata licet,
 Intusque aviti moris, & ritus tenax.

Math. Non si subire jubear ardentes rogos
 Parere dubitem. At nunquam erit turpi nota
 Cultus nefandi ut Numini astrictam fidem
 Violem sacrilegus.

Gorg. Crimini an cultus datur
 Species inanis? culpa vel si qua est, neget
 An ille veniam, pectori insecvit tuo
 Qui nati amore? cernis hostili in solo
 Ut sæpe vestes advena externas capit
 Qua fraude tutum sibimet hospitium parat?
 Innocua, similisque tua fraus erit.

Math. An foret
 Innocua; si quis deficeret ætus metu
 A rege ad hostes; esto non peteret libens
 Inimica castra, invitus & nomen daret,
 Vitam ut redimeret prolis?

Gorg. Ipsa quod jubent
 Ingenita jura; quodque vel brutum pecus
 Rationis expers, provida in rebus parens
 Natura docuit promptam in adversis opem

Affer-

Afferre soboli, sicine id crimen putas?

Math. Opem esto liceat ferre; non omnis licet

Opis ferendæ ratio., nam culpa vacat

„ Res sæpe, non modus. Hominem porro decet

Vitam tueri; poterit idcirco in suâ

Pretium salutis cum hostibus citra nefas

Patriam pacisci? poterit ut longam famem

Saturet (quod olim Solyma patratum horruit)

Natorum in artus furere, cultroque impio

Scindere epulandos? vana quid pecudum obsecis

Exempla, quas cæco impete effraenes rapit

Non nisi voluptas?., mentis est, nostrum genus

„ Qua viget, honestum noscere, & notum sequi.

„ Honesti at omni labe turpatur decor,

„ Virtusque recta est: patitur obliqui nihil

Perdis quid operam? parce jam dictis.

Gorg. Vices

Hæc mihi rependis? quod Sion nondum solo

Æquata jacuit; quodque sit spatium super,

Urbisque nomen aliquid, Antiochus fremit.

Stat illa nostro munere. Isacidum doles

Quod mucro plures jugulat, & plures vorat

Aggestus ignis; scindit aut multo frequens

Vulnere cruentans membra dentatus chalybs;

Quadrupedis alios ungula obtritu necat,

Aliosque torto verberare impulsis equis

Quadriga raptat. Civium sed pars quota est

Quos iusta cædes laniat? innumeros neci

Eripui, eadem lege, qua mallem tuum

Eripere natum. Mica sabæi focis.

Inje-

Iniecta thuris, fusus aut bacchi latex
Deorum ad aras, cladis effugium fuit.

Math. Scelus o! refusus eluat quod non vadis
Aut tumidus Ister, Nilus aut late fluens
Per ora septem, aut mixtus Euphrati Tigris.
Quam satius illis fuerat, æternos dies,
Lætosque stabili pace mortalis sibi
Parare vitæ impendio. Heroas puto,
Quos jam solutos corpore excepit sinu
Progenitor Abram, nabis obtentu suos
Velasse vultus. Gentis o! nostræ probrum.

Gorg. Itane tuorum solus è turba sapiis?

Math. Ego te, meosque, quisquis infans colit
Deos inanes, terra quos genuit, polo
Sacravit error, sapere plus aliis putem?

Gorg. Quid plura tecum? verba nil tangunt rigens
Adamante pectus. Ducite huc puerum. Fluens
Per ora nati fletus, optatum ferat
De te triumphum.

Math. Scena quæ nostros subit
Inopina visus?

SCENA QUARTA.

Gorgias , Mathathias , Jonathas .

Jonathas cum in manu Mathathia positum esse intelligat , ipsum crimine absolvere , coram illo supplex in genua provolvitur . Verum audita sacrilegi cultus conditione à Mathathia adimplenda , vitam hoc pretio redimendam recusat , seque paratissimum offert ad omne tormentorum genus perferendum .

Gorg. G Enibus affusus patrem
In vota flecte . Illius arbitrio tua
Vel vita , vel mors pendet .

Jona. En supplex manus
Ad genua tendo . Si quid in me unquam fuit
Dulce tibi : perque nostra , si veniam negas
Lanianda ferro pectora , ubi patrius suos
Condit amor ignes , munus acceptum semel
Vitalis auræ , rursus acceptum tibi
Referre liceat . Posse da tecum

Math. Preces
Omitte vanas .

Jona. Potuit ecquid tam brevi
Peccare natus tempore , ut pietas locum
Non habeat ullum ?

Math. Qua tua in patris manu
Sit lege posita siccine ignoras salus ?

Gorg. Satis est , ut ille thure vel fletu colat
Simu-

Simulacra divum . Quantulum id sit , tu vides .

Jona. Hac lege [1]. Sceleris ergo tam diri capax
 Potui videri ; spatia ut hoc pretio velim
 Protrahere vitæ ? Majus hoc majus malum est ,
 Quam quod timebam . Sævus Antiochi furor
 Me contra in unum cogat ardentis faces ,
 Uncos , equuleos , tela , laniatus , rotas .
 Non horret hæc mens , certa in exitium prius ,
 Poenasque in omnes ruere , quam fictos Deos
 Præferre vero , sceptrâ qui solus tenens
 Dominatur orbi ; sydera immotus movet ,
 Terramque librat pondere appensam suo
 Sibi fatis unus .

Gorg. Franget hos animos prope
 Admotus horror mortis .

Jona. Hæc membra , ut libet ,
 Lacera , perure , distrahe , in partes seca .
 Honestâ lethi causâ terrorem illius
 Abstergit omnem .

Math. Nate , ut hoc sensu places !
 Ut me iste reficit animus ! o quantum Patri
 Solamen affers ! esse me miserum nego
 Hac prole felix .

Gorg. Pateris ad mortem rapi ,
 Et natum amas ? amoris heu ! dirum genus
 Deterius odio .

Math. Amare sic virtus jubet ,
Gorg. Crudelè jussum . Sed quid ulterius moror ?

De-

Decreta mors est. [2]

Jona. Veniat. Optanti dabis.

Math. I perge, quò te jam vocat puerum cohors (3)

Æquæva nuper læta quos vidit parens
Vulnera virili pectore intrepidus pati,
Et quos secuta est morte septenis comas
Redimita lauris.

Jona. Cupio sociorum choris

Ocius adesse: at cura me tangit tui,
Tardatque gressus. Osculum ut dextræ imprimam,
Permitte.

Math. Fili.... verba confundit dolor,

Has cerne lacrymas. Jam vale: æternum vale.

Finis Actus Secundi.

ACTUS

(2) *Gorgias discedit.*

(3) *Anachronismus.*

ACTUS TERTIUS

SCENA PRIMA.

Mathathias.

*Falsò putans Jonatham fuisse Gorgie jussu interfectum
mortem illius deflet.*

Math. **L** Aceros per artus vita jam forsan leves
Fugit sub umbras. Liceat ah! natum sequi;
Ruptoque hiatu referet ad avitas patrum
Sedes piorum terra cupienti viam.
In me citato se ferat quamvis gradu,
Mors fera veniet. Tunc mori decuit; Sion.
Cum patria coleret sacra; cum templo laus
Effet honor. Improba haud tot hausissem mala
Spectator oculis. Solve nunc saltem moras,
Teque ipse lento corporis nexu expedi.
Assertor anime: properus i puero comes
Ima peragranti spatia, quæ sanctis Deus
Secrevit umbris. Vana sedi demens loquor,
Licet quod unum, prolis exuvias legam,
Oscula & arenis, quas tener pinxit cruor,
Figam ore cupidus. Altor huc lento venit
Gressu; doloris atra quæ frontem tegit,
Gravatque nubes, prævenit linguae vices.

SCE-

SCENA SECUNDA.

Mathathias , Nachor .

Mathathias animus falsa de Filii sui Jonathanæ mortis opinione præoccupatus , egre admodum a Nachore inducitur , ut illum vita adhuc frui credat : de qua re demum certior factus mendaciis Nachoris irretitus Jonathanæ constantiam inavita , veraque religione servanda turpiter labare facile sibi suadet , decernitque solemnibus Idolis peragendo sacro interesse , ut aspectu suo juvenis temeritatem coerceat .

Nac. **H**eu! fors parentū misera cū natis carent:
 Miserior , illis turba natorum latus
 Cum multa cingi t. „ Namque numerosa in domo
 „ Aliquid dolendum semper , & nunquam satis
 „ Cautum est in horas .

Math. Corda cur torques diu
 Verborum inepta ambage ? quod vanis studes
 Ornare verbis augur haud falsus sibi
 Præcinuit animus . Periiit : & gravius quod est
 Fata subituro nemo solamen tulit ?
 Me forsan ipsa in morte claudendis brevi
 Quæsiuit oculis . Heu ! mihi haud licuit dare
 Oscula suprema , legere & extremos sonos
 Fugientis animæ .

Nac. Vivit incolumis puer .

Vivit

Math. Vivit receptus inter electos choros,
 Nostrique ridet, luce sincera fruens,
 Ludibria Mundi. Quæris incassum his dolis
 Lenire vulnus. Si qua te pietas movet
 Huc cara membra transfer; aut saltem fer huc
 Meliore chlamydem murice imbutam, Tyrus
 Quam quem superba jactat. In pretio hoc erit
 Mihi munus aurum supra; Erythræum vomit
 Aut quos lapillos littus; aut Indus fodit
 Nuda pharetratus terga.

Nac. Quid frustra hæc rogas?

Math. Ipse, ipse pergam. (1).

Nac. Siste. Is ego ne sum, ut fidem
 Non merear ullam? vivit: huc confer tuas
 Potius querelas. Vita sibi lacrymas petit,
 Non, qua dolebas ante, mors.

Math. Quid nam audio?

Nac. Silere mallet. Levius at puero nihil;
 Mobilior aura fertur hac illac. Amat,
 Oditque; metuit, audet; iratur, statim
 Deponit iram. Sole ab adverso trahit
 Non tot colores Iris; uno vel die
 Quot ille vultus induit.

Math. Quorsum hæc age?

An trepidus hæsit? petijt an pœnæ moram?
 An quod malorum maximum est, fictos Deos
 Honore coluit?

Nac. Non adhuc. Sed ne colat

C

Jure

Jure est timendum ., Quisque se fortem putat
 „ Procul a periculis .

Math. Proferat causam metus .

Nac. Vix ubi resedit ira ; quæ posset tuæ

Consulere proli , mente secum Gorgias

Diu peragit : Sedit id demum ; in manu

Posuisse pueri fortis alterutram vicem :

Aut thura det Djs , ante quàm solem premat ,

Claudatque olympum vesper ; offerat aut caput

Ense resecandum , Hæc jussa plus æquo libens

Excepit ille . Redditum est fronti jubar

Mœrore pulso . Quove propendet magis

Ancipitis animi trutina compertum est satis .

Ipse sibi plaudit Gorgias ; Plaudit frequens

Ipsi aula ; lætum jamque sacricolæ parant

Pœana divis .

Math. Tanta labe , tam brevi

Spatio ! quis unquam thessala mentem illius

Transvertit arte ? satius ah ! fuerat probrum hoc

Morte occupari . Quod prius flebam miser ,

Nunc cupio . Pœnas fulmine immisso Tonans

Exposce . Præstat antequam scelus impleat

Vel sic perire Ah ! siste . Sacrilegum licet

Amare pergo . Potius ardorem excita

Æthereum in illo , tactus ad sese redit .

Quo David olim , flevit & turpes toros ,

Hostique flevit proditum infantis caput .

Nac. Divina bonitas , prona quæ in miseros , mali

Nulla fatiscit mole , tam justas preces

Non has repellet . Coelitum huc te quin favor

Advēxit; à me ut monitus auxilium feras

Jam prope ruenti .

Math. Ferre quì possim , doce .

Nac. Pompa ubi sacrificata , murmure & læto nemus
Resonabit omne , accede quo tibi fas erit
Propius ad aram . Vel te ad ingenium puer
Viso redibit ; vel timor saltem moram
Obiiciet ausis . Quippe non illi pudor
Sic periit omnis ; turpe te coram ut velit
Explere facinus .

Math. Adero spectator . Vale .

(Quin ultor adero. Nate, quò cogis Patrem !) (2)

Nac. Quò cepi , eundum ; scelere tutabor scelus ,
Tegamque fraudem fraude., Nisi superet modum
Rarò est inultum crimen .

SCENA TERTIA .

Gorgias , Nachor .

*Dolum , quem Nachor Mathathia struxerat , fructum-
que ex illo ; ut ipse levi conjectura ductus sperat ,
capiendum Gorgia narrat .*

Gorg. **H**ic desēs trahis
Moras inertes ? quid rei gestum est ?

Nac. Sacro
Ille aderit .

C 2

Euge !

(2) Discedit .

Gorg. Euge! qua arte? quo captus dolo?

Nac. Simulans propinquæ mortis impulsus, metu
Labare puerum, spemque nobis, non levem
Dedisse lapsus; facile persuasi ut suo
Firmare trepidum vellet aspectu.

Gorg. Puer

At reteget hanc fallaciam; audacter necem;
Poscens paratam.

Nac. Poscat. An credis dolos

Supereffe nullos? illico attexam novos:
Sibi nempe puerum redditum, atque illi vetus
Rediisse robur mentis. Hoc titulo mihi
Quin ipse plaudam.

Gorg. Fiet hinc, Patris ut cadat
Ante ora cæsus

Nac. Non id aut exlex Arabs,

Aut finat Alanus, quique phasiacas bibit
Sacrilegus undas Cholchus; & Genitor finet
Cui dulcior vita est puer; nec promptam opem,
Quam ferre potis est, afferet?

Gorg. Gens hæc sibi,

Laudi esse credit vel quod insuetum est feris;
Si vera narrant, strinxit in prolem furens
Abrahamus enses; prolis & cæcæ sacras
Fœdavit aras sanguine, in Patriam redux
Post bella Jephthe. Hos ille, nisi fallor, duces
Studet æmulari. Pectus haud impar fodit
Cupido laudis: renuit hinc flecti inscius
Natum tueri, facile quem poterat; meas
Quin fronte tamida spreuit impenfas diu.

Pre-

Preces , minasque , visus & pene est sua
Traxisse puerum dextera infano ambitu ,
Gladii sub ictum .

Nac. „ Audita percellunt minus ,
„ Quam visa sensus . Licetor eductum minax
Ensem coruscet . Pronus in genua , ac tremens
Colla puer aptet vulneri ; inque illum ruens
Jam resonet ensis ; Genitor occurret statim
Pietate victus , altera & ferrum manu
Procul repellet , altera in sacros focos
Negata sparget thura . Nec veterum time
Exempla . Prolem nemo nam letho obtulit
Nisi id iubente Numine , aut voti reus .
Adde peragenda flexo in occasum die
Quod sacra noscens , esse virtuti satis
Tempus , & amor duxit : hinc , ut par erat
Prius ille munus gessit herois ; geret
Sed mox parentis .

Gorg. Puer adest . Refer hinc gradum .

SCENA QUARTA

Gorgias, Jonathas.

Jonathas petit, ut sibi morituro liceat Mathathia extremum vale dicere; quod ne Nachoris fraus detegatur, simili fraude Gorgias impedire conatur; simulando nempe Mathathiam a vero Israelis Deo ad Idola defecisse, idque eo animi ardore, ut suos ipsos natos Diis, nisi eorum cultum professi fuerint, se immolaturum voverit.

Jonas. **V**Eni huc, petitem fata subiturum decet
Quod petere natum.

Gorg. Nempe ne mortem irrogem?

Sed ipse serva temet, ac Regi obsequens
Vitam, caputque, dum licet, morti eripe.

Jonas. Nil tale posco.

Gorg. Tempus an saltem ut velim
Laxare pœnæ?

Jonas. Non brevis tanti mora est.

Me juvat obire citius, ut citius fruar.

Gorg. Quid aliud ergo?

Jonas. Detur ut Patri, id rogo,
Dicere supremum.

Gorg. Do libens. At.....

Jonas.

Jona. Cur files ?

Gorg. (Adhibenda fraus est.) Patris occursū cave;
Sis nisi paratus Régis aut iusta exequi ,
Aut ense patrio cadere . . . Proh fallax fides !
Quam nil perenne est ! stare quis pressō gradu
Exempla post hæc speret ?

Jona. Egit quid Parens ?

Aperta loquere .

Gorg. Didicit evictus malis

Meliora sapere . Post Jovi nuper fidem

Obstrictam ad aras , Rege jam solo minor

Dat jura populis ; quodque mirandum magis

Deos tuetur : immo nil medium sequi

Assuetus ante, Numini irato negent

Si forte resides thura , vel natos furens

Devovit ultro ;

Jona. Vera narras ? an meum

Hac fraude amorem fallis ?

Gorg. Huc , citius fuge ,

En ille properat . Quid tua intersit , vide ,

SCENA QUINTA

Gorgias, Mathathias, Ionathas.

*Mathathias, & Ionathas ambo aliena fraude alterum à vero Deo defecisse falsò secum reputantes, sibi turpissimum hoc crimen mutuò exprobrant; quam exprobrationem, uterque veræ religionis tenax per inde accipit, ac si ipsi sua in veracis Dei cultu constantia ceteroqui laude digna per injuriam exprobre-
tur.*

Math. **H**AS mihi rependis, has vices? mea sic
amans

Exempla sequeris?

Jona. Ne sequar, pietas vetat.

Math. Ausus sacrilegos itane pietatem vocas?

Jona. Quæ sacra fregi jura?

Math. Quæ recti tenax

Servabo, fessos quandiu hos artus reget
Vitalis aura.

Gorg. Jurgia hæc quorsum?

Math. Scelus

Immane tacitus an feram?

Jona. Et quod nam exprobras

Mihi scelus?

Math. Idne poscis?

Jona. Ah! Genitor, malus

Quis

Quis tibi, quis error abstulit mentem?

Math. Mihi?

Jona. Tibimet: tuumque noscere errorem ut velis,
Liceat rogare. Prima nanque ortum trahet
Spes hinc salutis.

Math. Jubeo ut agnoscas tuum.

Jona. Talia jubenti patere ne morem geram.

Math. Talia rogantem forsan ulciscar brevi.

Jona. Reposce pœnas, nil renuo. Votum est mori.

Math. Non ego, reposcit Numinis læsi decus.

Jona. Id nempe curat ludicrum, & sensu carens
Inane Numen.

Math. Siccine hæc audis Tonans,
Nec tela torques?

Jona. Cujus ante aras cadam
In me Tonantis tela quid frustra cies?
Surda auris illi, dextera & saxo rigens.

Math. Sacrilega inultus patiar in Numen probra: (1)

Gorg. Mihi jussu nillum Rex dedit.

Math. Mihi jus dedit.

Natura potior. Fortibus cœptis amor
At patrius obstat. Corda torpescunt gelu,
Mediaque in ira, dulce mihi quondam Patris
Nomen recursat.

Jona. Nomen ah! subeat prius
Virtute partum: huic consule, & cave ne vigil,
Garrulaque ne te fama degenerem sciat.

Math. Servata superis mene degenerem arguit
Pie-

(1) Gladio dextram admovet, quam detinet Gorgias.

42 ACTVS TERTIVS.

Pietas, fidesque?

Jona. „ Stulta frangenda est fides,
„ Quam crimen est dedisse.

Math. Sic in te pudor,
Fasque omne perit, crimini ut des, quod magis!
Laudem meretur?

Jona. Verba quid frustra? petam
Lacrymis paternum pectus. Ad genua accidam.

Math. Abi hinc, faceffe. Nil erit tecum mihi
Commune posthac.

Jona. Religio sit, unum hoc peto,
Ambobus una.

Math. Relege genitoris vias,
Erit una utrique.

Jona. Consilia genitor refer
In melius, una sic erit: sed quam sequi
Par est utrumque.

Math. Vocis infestæ sonum
Fugisse præstat. Nongnisi ulturus nefas
Ad te redibo. (2)

Jona. [3] Fata mihi propera, ut furens,
Nisi sponte, saltem parcat invitus meo
Genitor cruori. [4].

Gorg. Præter omnem spem bene
Res cessit. Omen capio, felici exitu
Hunc fore ab amica sorte claudendum diem.

Finis Actus Tertij.

(2) *Discedit.*

(3) *Gorgiam alloquitur.*

(4) *Discedit.*

ACTUS QUARTUS

SCENA PRIMA.

Mathathias, Simon, Judas.

Multa colloquuntur circa Ionathæ, quam falsò opinantur, à veracis Dei cultu ad Idola defectionem, variisque consiliis propositis, sed à Mathathia rejectis; hic demum animi sui decretum, quod præconceperat, suboscure innuit, jubetque ut Simon, & Judas cum selectis copiis ad sustinendum facinus, quod moliebatur, accurrant.

Math. (1) **O** Spes inanes! Itane qui nuper virum

Sacrata Mosis jura spernentem est minax
Aggressus armis, Gorgia & coram genus
Se se paratum ad omne pœnarum obtulit:
Quin parvus infans ante contempsit Deos,
Quam nosse posset, terga veraci dedit
[Scelus o pudendum!] Numini; arasque impias
Supplex adibit? generis heu! nostri decus,
Hæc una labes delet.

Sim. In scelus hoc ruit

Num sponte, num coactus?

Math. An culpa vacat

Po-

Subeam paratam. Cardinem extremum premens
Mortalis ævi, jam fatifcentem ratem,
Fessamque post tot cupio fortunæ vices
Statione recipi.

Jud. „ Robur è damnis capit,
„ Animumque virtus. Respice ad natos. Domus
In te recumbit tota; quin Regni salus.

Math. Pressum levabit gravibus ærumnis genus
Toties redemptum, vindice & dextra Deus,
Cum res, & usus poscet, eripiet jugo.
Satis hoc, superque in rebus experti asperis,
Diuque fuimus. Anne dediscet suum
Deus ipse morem? victa num nostris malis
Bonitas fatifcet summa? Qui meus est labor,
Turpi medebor vulnere. Abstergam notam
Cultus sacrilegi. Traxit hæc nostrum in caput
Tonantis odia; sæpe & id causæ fuit
Belligera quod gens sueta cæsorū hostium
Referre spolia, lucis in pretium, grave
Pacta est tributum, gemit aut sævis diu
Constrieta vinculis. Triste documentum sumus:
Quam non inultos Numen Abramidum ferat,
Qui sacra temerant jura, & incesto colunt
Simulacra thure. „ Quid quod in miserum redit
„ Uulgu, potentum culpa si pœna caret.

Sim. Natine cædem, genitor, (heu dictu nefas!)
Moliris?

Math. Hæc lux mente quid volvam, brevi
Reteget. At ambos operis in partem voco,
Vosque ministros cupio. Vos armis volo
Fa-

Favere cœptis.

Jud. Si quid impensum cupis,

Expone facinus, cujus in partem vocas,

Math. Res ipsa sese pandet. Hæc jubeo interim,

Vos ut secuti milites, cæcos finus,

Tacitoque latebras nemoris insideant gradu;

Cumque procul ara, & igne sacifico nemus

Lucebit omne, marte concessio ruant.

Utque ista cautes fulmine; è montis jugo

Celeri ruina fertur, & secum viros,

Stirpesque præceps raptat: haud aliter cohors

Effusa inermes ense sacricolas petat,

Aras, focosque sternat, & inanes Deos.

Decorari optimis hisce nam spoliis meum

Exopto funus, plusque mihi laudis ferent

Sacra hæc trophæa, quàm ducum exuviæ, ac virū

Clypeique, & hastæ, pendula & bustum prope

Bellica supellex.

Sim. Nostra tibi tanti est fides!

Curare patrium funus id fratri, id mihi

Solum licebit?

Jud. Impares ergo putas

Patrem tuendo?

Math. Nosco pugnaces manus,

Fortiaque bello pectora; at præsens dies

Petit, ut procellæ solus objectem caput.

Sim. Ah! ferre detur,

Math. Quæ jubeo vestrum est sequi.

Jud. Efficere nostrum est, Genitor, ut vivas diu,

Diuque jubeas.

Math. Rumpite actutum moras

Nil profuturas.

Jūd. Patris immemores vetat

Nos esse pietas. (1)

Math. Prolis immemorem jubet.

Patrem esse pietas in Deum. Moriar libens
Divini honoris ultor, & postquam palam
Documenta dederō, quam sit horrendum nefas,
Punit quod ipse Genitor in puero, nihil
Quo dulcius habet... Vulnus o! sævum, meo
Lethale amorī vulnus! At quorsum hæc? tui
Sic anime titubas degener?... Nachor subit.

SCENA SECUNDA.

Mathathias, Nachor.

Nachor fallaciter narrans se nervos omnes exeruisse, ut Jonatham ad meliorem frugem redigeret, fraudem suam promovet. Variis tamen conjecturis Mathathie suadet fore ut coram ipso Jonathas à sacrilegi cultus immani facinore absteineat.

Nac. **N** Il est peractum. Vota successu carent.
Tenore eodem constat, & flecti nequit.
Non terror orci, amissa non illum movent
Melioris ævi præmia. Et metui, & spei
Audax resistit. Medius hinc, illinc mare

Ut

(1) Discedunt.

Ut frangit isthmus, obstat ut boreæ, & notis
Inhospitalis Caucaſi abruptum jugum.

Nunc ſi qua ſuperest ſpes tibi, in te uno ſita eſt.

Math. Paterna nuper monita ſprevit.

Nac. Non tamen

Caruere fructu. Exinde nam ſecum tacens

Plurima revolvit. Sæpe ſuſſundit pudor

Genas loquentis, turbat & voces dolor.

„ Juvenile pectus, corde quas curas alit,

„ Diſſimulat ægre. Novit has artes ſenum

„ Callidior ætas. Ergo cum ſtimulos adhuc

Sentiat honeſti, conſcia & ſibi exprobet

Mens tacita crimen, fronte qua poterit Patre

Audere coram, cujus ultro jam pudet,

Immane facinus?

Math. Fallit haud noſtros metus

Spes hæc inanis. „ Fræna qui primis puer

„ Excudit ab annis, pluſque conceſſis ſibi

„ Licere voluit, ſemper in pejus ruit.

Quod tunc timendum potius, ante oculos habens

Cum recta, ſequitur prava.

Nac. Quod fruſtra times

Fas mihi ſit utinam! cupere. . . Me miſerum! efferæ

ſpectator adero cordis. Ah! quondam mea

Cura, & voluptas, nunc dolor, ſæpe cades

Puer ſub icſtu. Rebus in ſummis opem

Fruſtra rogabis, lumina & fruſtra in meo,

Patrisque figes ore, ne tendas manus

Prohibente vinclo. Frondibus reſonum nemus,

Rupesque circum, & antra morientis ſonos,

Gemi-

Gemitusque reddent. Gemere sed nos haud ferox
Patietur hostis . Fata subeunti vel hoc
Deerit levamen , quo caret nemo .

Math. An gemam

Quod sibi decora morte victurum paret
Sine fine nomen ? jura quod longo patrum
Transmissa ab ævo fervet , & Cælo fidem ?
Non hos in usus provida indulsit parens
Natura lacrymas . Scelere si studeat dies
Protrahere, vecors ; si statim ad mentem bonam
Recipere se se renuat , id flendum mihi ,
Et jure flendum . Cogor at, Nachor , nec id
Aulim negare , quas parat fraudes amor
Cavere prudens , pellere & retro dolos .
Mecum ipse pugno : varius huc illuc agor .
Quam sæpe nolens , æqua quod virtus tenet ,
Servatque , medium defero, & nolens eò
Tacite relabor , unde contendi prius, [net
Gressum ut referrem. Immota mihi sed mens ma-
Fluctus tot inter .

Nac. (Rima , qua subeam , patet)

Si fas precari est , sequere naturam ducem,
Tenerosque patrius , quos amor motus ciet ,
Quos sequitur ipse juris impatiens Scythes ,
Arabique profugus , quin & indomitus leo,
Sequiturque tigris ipsa catulorum memor
Vel media in ira . Sequere naturam ducem .

Math. Ut sequar?...Honeste id facere si possim... (1)

D

Nac.

(1) *Artificiose dissimulat .*

Nac. Tuum

Permitte natum thura mentito diis
 Libare cultu. Crimen aut nullum, aut leve est
 Simulare crimen, dummodo interius vacet
 Mens scelere. Dira sic nisi in venas lues
 Abeat, & atro pectus illaqueet gelu,
 Viperea tangit pocula innocue manus.
 Quin tu ipse senio gravior exemplo præi.
 Illude Divis; dextera incestos focos
 Spargat fabæa messe; veracem Deum
 Mens colat.

Math. [Inique Certa res est. Hinc mali;
 Hinc orta labes.)

Nac. Quid truci aspectu files?

Per te, tuique pignus extremum tori,
 Meumque alumnus: si quis impensus labor,
 Est siqua cura, laudis ut teneros amor
 Alliceret animos; decora & antiquæ domus,
 Æmulaque virtus adderent calcar, preme
 Audacis iram cordis, innocuo dolo
 Prolem tuere.

Math. (Puniam ut dirum scelus
 Simulare cogor.) Quid tibi hæc contra queam
 Referre, Nachor? Alia mihi Cælo auspice
 Iniecta mens est.

Nac. Teneo, quod votis diu,
 Lacrymisque petij.

Math. Quod tenes, longe, ut puto,
 Tua vota superat. Thura ut adoleam Jovi
 Tu poscis: at ego majus instauro sacrum.

Made-

Madebit ara victimis, quas ut parem
Jam pergo. Veniam facile, si venia est opus,
Dabit ille, cumulans tela qui nostrum in caput
Huc me redegit, esse non possim ut parens
Quin sim sacrilegus. [2]

Nac. Attigi summam spei
Quis me per auras turbo correptum vehat?
Aut det fugaci præpetem penna rapi,
Ut citius adeam Gorgiam? o lætum diem!

Finis Actus Quarti.

ACTUS QUINTVS

SCENA PRIMA.

Gorgias , Mathathias , Jonathas , Nachor .

Mathathias iubenti Gorgiae , ut Jovi sacrificet , se ad fidem servandam paratissimum offert ea tamen lege , ut Jonathas primas habeat . Jussus vero Ionathas constantissime recusat , quin Iovem , falsosque deos execratur . Operam suam interponit Nachor , & Ionatham alloquendi remotis arbitris facultatem impetrat .

Gorg. **P**eragenda rite sacra . Jam populus frequens

Circumstat aras , Te quoque haud dispar , scio ,
Causa huc subegit . Primus, ut par est, Jovi
Persolve honorem . Cæsa procumbat pecus ;
Divitis acerræ dona vel sacris focis
Ingere .

Math. Libenter , quam dedi , implebo fidem ;
Hac lege tamen , ut victima haud nostra manu
Procumbat ulla ; natus antequam sua
Imponat aris dona . Sic menti fedet .
Litet ille primus , cujus ob causam parens
Litare cogor .

Gorg. Patria natorum est sequi .

Exem-

Exempla .

Math. Sed rerum hoc in articulo decet
Natum præire ; me sequi .

Gorg. Ergo age tu prior , [1]
Exequere jussa , si tibi est cordi salus,
Te siste coram Numine , & lateri comes
Accedat altor .

Jona. Mene marmoreum Deum
Brutumque lapidem colere ? nisi fallor , refert
Jovem hæc imago , sæpe qui vetitos toros
Ut sibi pararet , membra , turpesque induit
Rictus ferarum

Nac. Comprime audaces sonos .

Jona. Quæ tu docebas ante , cur me nunc jubes
Silere Nachor ?

Math. [2] Puer hic est , Nachor , sui
Degener , aviti decoris , & famæ immemor ,
Patrique misere flendus .

Nac. Ut se res habet,
Monui futuram . Te palam admissi pudet ,
Tegitque crimen .

Gorg. Nil ne te Regis movent ,
Patrisque jussa ?

Jona. Facere quæ possim imperent :
Me (cupio id unum) libero cælum ferant
Spectare vultu ; nec mihi obtrudant Deos
Falsos , profanos . Cætera ad nutum geram ,

D 3

Nac.

(1) *Ad Ionatham .*

[2] *Ironice alludit ad superiores scenas .*

Nac. Patere me secum arbitris

Loqui remotis.

Gorg. Loquere.

Math. Per me etiam licet.(3)

SCENA SECUNDA.

Jonathas, Nachor.

Intrepidam Jonathæ constantiam privat; alloquio Nachor labefactare conatur; sed strenuus adolescens illius conatus omnes eludit.

Nac. **A**D fana mentem flecte, teque ipsum juva;
Quin & Parentem. Res eò rediit, ut hinc
Abire neuter possit incolumis; nisi
Jovi litarit. Melius in promptu est nihil
Dum, quod sequare: finge. Quis culpæ id dabit?
Tuus ipse Genitor sibimet effugium parat
Hac arte: magni relege Genitoris vias.

Jonas. Nec tibi pudori est

Nac. Me tuam miseret vicem.

Haurire fumos thuris, aut donis capi
Putasne superos? mentis obsequium petit,
Animumque memorem quisquis est cælo Deus.
Regum est statuere, more quo libeat suos,
Rituque populos vivere. Hoc sceptris fidem,
Pacem-

[3] In interiorem sylvæ recessum, paulò post regressuri, se recipiunt.

Pacemque Regnis sancit . Exterius cole
 Silicesque , & æra , quidquid & Reges jubent .
 „ Animi in recessu vitia , vel virtus latent .
 „ Hinc quisque tacitus testis , & iudex sui est ,
 „ Sibi notus uni .

Jona. Parte qua fluxit stygis
 Lethale virus , voce quod blanda tegis ?
 Tam sæva nunquam serpat in populos lues ,
 Pietatis haurit dira quæ succum , illius
 Umbram relinquit . Casus ut quemque offerat
 In vota qui poscit Deos , nullum timet ,
 Quia colit omnes . Tuque jam gressum refer ,
 Errasse pudeat .

Nac. Nempe vesani sequar (1)
 Somnia popelli ? fata post , sensu carens
 Cum fuero , lætis tunc fore ut rebus fruam .

Jona. Collapsa siquidem corporis moles ruit
 Compage rupta ; Melior at nostri manet
 Cognata Cœlo pars . Ut hanc flexit sui
 Libera potestas in bonum , aut malum , feret
 Peritura nunquam præmia , aut pœnas .

Nac. Negat
 Sed hæc futura quisque , cui pectus sapit :
 Res namque repetit quælibet priscum nihil ,
 Unde habuit ortum .

Jona. Ne quid ex ista traham
 Contage scelerum , timeo . Proh ! dirum caput ,
 Vel tunc timendum , cum nihil timui . Hanc dies

D 4

Non

Non una cladem peperit., Impietas suis
„ Et ipsa gliscit gradibus. At patria in domo,
Adulta quamvis latuit, occultè suam
Depasta saniem. Concolor serpens latet
Sic inter herbas, quem fere oblitum putes
Fraudum, sui que: vix tamen primus patet
Aditus nocendi, totum in orbes se rotat,
Solvitque sese rursus, ut saxum altius
Infigat ore vulnus.

Nac. Excordem rege
Juvenilis oris impetum, & Patri, ac tibi
Consule, supremum moneo.

Jona. Consultum est satis.

Nac. Regem timere disce.

Jona. „ Tu Numen time;

„ Quo nil timeri gravius irato potest.

Sed ecce contra graditur. (2)

Nac. Est quæ nam super
Nunc spes salutis?

S C E.

S C E N A T E R T I A .

Gorgias , Mathathias , Jonathas , Nachor .

Blandimentis , minisque Gorgias Ionathæ constantiam impetit , sed frustra . Quamobrem in rabiem actus , ut alteruter vel Mathathias , vel Jonathas Iovi sacrificet severissimè imperat : qua occasione Mathathias heroicum animi sui consilium detegit : demum Nachorem utriusque nomine sacrificare aggressum , nec non Gorgiam , divino afflatus spiritu gladio enecat .

Iona. **V**ictor elusi dolos . (rer,
Nunc levior instat pugna . Sed ne te mo-
Operamque frustra dederis ; id primum velim
Te monitum : avita deseram haud unquam fore
Ut sacra , Deosque ludicros votis colam ,
Quos , fateor ultro , negligo .

Gorg. Addisces brevi
Damno tuopte sapere .

Jona. Fors damnum putas ,
Quod struis acerbum funus ? extinctum manet
Sed melior alibi vita , nec lethi capax .
An ille doleat puppe qui pelagus secans ,
Longeque distans , gessit ad patrios lares ,
Prolisque caræ ad oscula ut primum licet
Remeare ; citior aura si pellat ratem ,
Quò vota præeunt ?

Gorg. Certa, dum ignotis studes,
 Quid pretia misere perdis! in melius refer
 Consilia, jussu Regis œbalio madens
 Velabit ostro te chlamys: centum atriis
 In se recurrens dives excipiet domus;
 Regifica luxu mensa peregrinas dapes
 Offeret, & aures dulce mulcebit melos.

Jona. Omitte puerum nœnias. Non has sequor
 Umbras inanes;,, rebus humanis modum
 ,, Statuere certum; nosse quas animus fuga
 ,, Declinet ultro, sive quas ultro petat,
 ,, Suique habenas regere, vera hæc sunt bona
 ,, Capienda nobis, quæque si cupias, habes,

Math.(1) Nescio quid homine majus hæc voces sonant.

Nac. Sileret u tinam: merita plus æquo loquens
 Laceffit odia.

Math. Fudit æthereus calor,
 Se pueri in animum. Spe mihi ignota salit
 Quin pectus, omnemque obruit lenis quies
 Sensum doloris. Patrius abscessit metus.

Gorg. Audire vana jurgia haud ultra vacat.
 Hoc jubeo: ad aras natus, aut genitor litet. [2]

Jona. Jordanis ante re feret in geminum caput
 Amnem retrogradu m, jura quàm cultu impio
 Sacrata violem. Vitam ab invito potes

Au-

[1] Miratur Mathathias Ionathæ sapientiam, eam-
 que è cælo immissam putat.

[2] Gorgias innuit Ionathæ.

Auferre, Numen non potes . (3)

ith. Nulla est mihi

Victima litanda .

rg. Nulla !

ath. Sacrificam manum

In sobolem adigere mens erat .

ac. Sævum Patrem !

ath. Nam cum putarem transfugam, & Mosi datam

Fidem negasse, mysta veracis Dei

Sacrum hoc parabam .

org. Nostra tunc etiam abnegas

Subire iussa ? o subdolum, & fallax genus !

At neutrum inultum patiar . In prolem sacer

Rotetur ensis . Adsit huic sacro parens ;

Mors una utrumque plectat .

na. Egelidos petit

Ut cupida fontes cerva, cui tenerum latus

Arundo mordet . Arva cum torret Leo ,

Ut avidus imbres potat æstivos ager

Sitiente gleba ; sic cupio claro dies

Clausisse letho . Sed tua auxilio manus

Succedat, orbis Rector, & cæli Potens .

ath. I nate felix, hos cape amplexus, & hos

Umbris avorum redde ; quas Abræ sinus

Excepit olim . Has inter audaci gradu

Celsus ubi se obviam feret spretor necis

Eleazar, illum posce (si manes habent (4)

Curas

(3) *Gorgias innuit Mathathie .*

[4] *Anachronismus .*

Curas priores) pectori nostro ut novos
 Adjungat animos, doceat & dextram aggreget
 Grande aliquid, ætas nulla quod fileat. Mea,
 Quin adde, nunquam confore, ut mente excida
 Decus Sionis, ulla nec tergat genas
 Lux nisi quæ honorem Numini, & templi obruta
 Restituat aras. Perge jam, æthereas data
 Cervice lauros, inclytam & palmam refer.

Nac. In quem parentis contuli officium, sinam
 Itane perire? Genitor ah! supplex roga,
 Positoque natum poplite advolvi jube
 Ad Gorgiæ irati pedes.

Iona. Non tanti emo
 Caduca vitæ spatia.

Math. Jacturam levem
 Merces rependet summa.

Nac. Sic nati feres
 Cruenta fata? pronus in te fors ruet
 Cervice secta truncus, ac scissum caput
 Nomen vocabit murmure incerto tuum.
 Et dubius hæres? amor ubi, & pietas? ubi
 Natos tuendi cura, quam Tigres habent?
 Satis hæc foret; sed barbære! hac etiam cares.

Gorg. Moror quid ultra? debitas pœnas luat.

Nac. Ah! siste gressum. Quò ruis? si quid bene
 De te mereri licuit, & si quid tua.....

Gorg. Pueri quod aras imbuit nondum cruor
 Parumne meritis hoc datum est, Nachor, tuis?

Nac. Nimium esse fateor; lance si recta æstimo
 Momenta culpæ, quam tamen multum eleva

Pue-

Puerilis ætas.

Gorg. Auget at multum patris

Vafritia mendax.

Nac. Æquitas sed me tua

Juris rigorem temperans in spem erigit.

Gorg. Impune ne sit crimini, aliorum salus

Tuenda pofcit.

Nac. Alia fi pateat via,

Qua culpa cefset, nec fit exemplo nocens

Quidni capeffas?

Math. (Corde quos verfat dolos?)

ona. (Fœdifrage, vecors!)

Gor. Loquere, quid rerum paras?

Nac. Unus ego facras nomine amborum preces,

Et thura fundam.

Gorg. [Exempli plus verbis movent .

Tentare præftat.) [5]

Math. Patiar hanc turpem notam

Ambobus allini? At quis in venas fluit

Infuetus ardor?

Nac. (6) Numen, o Divum Pater,

Huc flecte placidum.

Math. Rapior : abfimilis mei ,

Meque ipfe major, cogor ulcifei nefas . [7]

Nac. Ab una quanvis dextera

Math. Mendax file .

Remo-

(5) Gorgias, & Nachor pergunt ad aram .

(6) Nachor prope aram fic Jovem precatur .

(7) Mathathias accedit ad aram .

Removete gressus impii . [8]

Jona. Ah ! patrem sequi

Daretur utinam ! socius aut palmæ forem ,
Aut fato eodem morerer . At prohibent & hæc
Vincula , & inermis dextra . Quod possum unicè
Spectator adero En ille jam victor redit .
Quin immo fratres agmine invictum ducem
Lato sequuntur . Exitum his cœptis parem
Properate superi .

SCENA QUARTA , ET ULTIMA .

Mathathias , Simon , Iudas , Ionathas .

Simon , & Iudas , qui sylvæ latebrâs infederant , tempestive ad sustinendum egregium Mathathiaë facinus accurrunt ; quo peracto Mathathias paucis filios suos allocutus in abrupta montium juga se se cum filiis suis recipere decernit .

Math. [1] **H**æus agite simulatos Deos,
Tripodas, & aras vertite . Hæc vi-
ctor mihi
Trophæa posco . Gorgias cecidit sinum
Confossus ense ; cecidit , & fato pari
Nachor . Secundet cœpta , qui nobis dedit
Cepisse . Nati bella vos posthac manent ,
Cruenta bella .

Jud.

[8] *Vertit in fugam , gladio insequitur .*

[1] *Gladiis districtis in scenam prodeunt .*

Jud. Impendere hanc vitam Deo ,
Patriæque cupio .

Sim. Gerere quis renuat sacra
Cœlo probante prælia ?

Math. At tu quid files ?

Care puer , arma tu quoque ætas cum finet ,
Aciemque duces Ne Deo obstrieta , id cave ,
Titubet deinceps ; firma sed constet fides .

Jona. Crimen idem utrique affinxit [heu ! lirū scelus .]
Veterator ille , ut alter alterum suo
Parem in ruinam traheret exemplo .

Math. Dedit

Sed ille pœnas . Forfan & dat , quas dies
Non minuet ulla .

Sim. Viribus fretus suis
Quisquamne speret ?

Jud. „ Tutus est nunquam satis

„ Nisi qui timere didicit , alieno & sapit

„ Doctus periculo .

Math. At regredi nunc est opus

Quà celsum in astra culmen attollunt juga ,

Gentisque lectum robur ingenium loci

Satis tuetur . Agmen ibi cogam : Duces

Et medius inter digeram belli modum .

Tu dexter adsis unica oppressi salus

Populi , levamen unicum o Divum potens ,

Hominumque . Certò , si quod in nobis situm est

Spondere liceat : nostra vel ferro manus ,

Barbarica franget vincula , & lecta fatam

De stirpe gentem ad pristinum tollet decus ;

Clades vel eadem nosmet , ac Patriam opprimit .

